

永樂大典

卷三千五百八十
七

永樂大典卷之三千五百八十七

九真

屯

屯田

大敵通考漢昭帝始元二年發習戰射士調故吏將屯田張掖
 郡調發邊之屯故吏前乃官職也 宣帝神爵元年後將軍趙
 充國擊先零羌罷騎兵屯田以待其弊 東漢邊郡置農都尉屯田殖
 穀 光武建武四年劉隆討李憲憲平遠隆屯田武當 馬援以三輔地
 曠土沃而所將賓客很多乃上書求屯田上林苑中帝許之 六年王霸
 屯田新安 夏李通破公孫於西域還屯田順陽 八年王霸屯田函谷
 關 張純將兵屯田南陽 明帝永平十六年北伐匈奴取伊吾地置宜
 禾都尉以屯田遂通西域 章帝建初二年罷伊吾盧屯田兵 和帝永
 元二年擊伊吾破之三年班超定西域復置戍已校尉 永元十四年安
 定降羌燒何種反曹鳳請廣設屯田隔塞羌胡交關之路及省委輸之役
 上乃拜鳳為金城西部都尉將徒士屯龍耆後金城長史上官鴻上開置
 屯現又建威屯田三十七部侯霸復開置東西屯田增留邊二部帝皆從

永樂大典卷之三千五百八十七

一

之利屯夾河合三十四部其功甚立會永初中諸羌叛乃罷 順帝永建
 四年虞詡上疏曰禹貢雍州之域厥土惟上且沃野千里夫棄沃壤之饒
 捐自然之財不可謂利遣秦帝乃復三郡州方西河上郡徽河浚渠為屯
 田省內郡費歲一億計明年校尉韓皓轉湟中也田置西河間以逼群羌
 羌以屯田近之恐必見圖乃解仇誼盟馬續上移屯田湟中羌意乃安至
 陽嘉元年以湟中地廣增置屯田五部并為十部 永建六年以伊吾膏
 腴之地旁近西域匈奴資之以為鈔暴復令開設屯田如永平故事鄧訓
 擊販逐唐諸羌威信盛行遂罷屯田各令歸郡唯置他刑徒二千餘人分
 以屯田為貧人耕種修理城郭塢壁而已 陽嘉元年復置玄菟郡屯田
 六郡 傳變為漢陽太守廣開屯田列置四千餘營 獻帝建安元年莽
 民屯田許下 建安十四年曹操引水軍自渦入淮出肥水軍合肥開芍
 陂屯田 諸葛亮由斜谷伐魏亮以前者數出皆以運糧不繼使已志不
 伸乃分兵屯田為久駐之計耕者雜於渭濱居民之間而百姓按堵軍無
 私焉 魏齊王芳正始四年司馬宣王督諸軍伐吳時欲廣田蓄穀為滅
 賊資乃使鄧艾行陳項以來至壽春自今淮陽郡項城縣以來至壽春郡
 艾以為田良水少不足以盡地利宜開河渠可以大積軍糧又通運漕之

永樂大典

卷三五八七

道乃著濟河論以喻其指又以為昔破黃中因為屯田積穀於許都以利
四方今三隅已定事在淮南每大軍征舉運兵過半功費百億以為大役
陳蔡之間上下田良可省許昌左右諸稻田并水東下令淮北屯二萬人
淮南三萬人十二分休常有四萬人且田且守水豐常收三倍於西計除
衆費歲完五百萬斛以為軍資六七年間可積三十萬斛於淮上此則十
萬之衆五年之食也以此來吳無往而不克矣宣王善之皆如艾計遂北
臨淮水自鍾離西南橫石以西盡泚旁脂水四百餘里置一營六十人且
田且守兼備廣淮陽百尺二渠上引河流下通淮潁大理諸陂於潁南北
穿渠三百餘里溉田二萬頃淮南淮北皆相連接自壽春到京師農官兵
田雜犬之聲阡陌相屬每東南有事大軍興衆汎舟而下達于江淮資食
有儲而無水害艾所建也 晉羊祜為征南大將軍鎮襄陽吳石城守去
襄陽七百餘里每為遣害枯患之竟以詭計令吳罷守於是戍運減半分
以墾田八百餘頃大獲其利祜之始至也軍無百日之糧及至季年有十
年之積太康元年平吳之後當陽侯杜元凱在荊州令襄陽郡修信臣
道跡召信臣所作鉅陂六門堰至今南陽郡後所界時為荊州所統激
用汝水消音百諸水以浸原田萬餘頃分疆刊石使有定分公私同利

水樂大典卷三十五百全

二

衆庶賴之號曰杜父舊水道唯沔漢達江陵十數百里北無通路又巴丘
湖沅湘之會表裏山川實為險固荆蠻之所恃也預乃開楊口起夏水達
巴陵千餘里夏水楊口在今江陵郡江陵縣界巴陵即今縣內瀉長江之
險外通零桂之漕零陵桂陽並郡南大歌之曰後世無叛由杜翁孰識智
名與勇功 東晉元帝督謀農功二千石長吏以入穀多少為殿最其宿
衛要任皆令赴農使軍各自佃即以名廩大興中三兵大飢後軍將軍應
詹上表曰魏武帝用袁祗韓浩之議廣建屯田又於征伐之中分帶甲之
士隨宜開墾故下不甚勞大功克舉間者流人奔東兵東兵艱險皆已還
送江西糧田疇廢未久大耕水耨為功差易宜簡流人興復農官功勞報
賞皆如魏氏故事一年中與百姓二年分稅三年計賦稅以使之公私兼
濟則倉庾盈億可計日而待之穆帝并平初荀羨為北都尉鎮下邳今
臨淮郡縣屯田于東陽之石鰲亦在今之臨淮郡界公私利之齊高帝初
桓崇祖修理芍陂田曰卿但努力營自然平珍虜寇昔魏置典農而中都
足食晉開汝潁而河汴委儲卿宜勉之 後魏文帝大統十一年大旱十
二年祕書丞李彪上表請別立農官取州郡戶十分之一為屯田人相水
陸之宜計頃畝之數以賦贖雜物市牛科給令其肆力一夫之田歲貢六

永樂大典

卷三五八七

十斛其正課并征戍雜役行此二事數年之中穀積而人足矣帝覽而善之尋施行焉自此公私豐贍雖有水旱不為害北齊廢帝乾明中尚書左丞蘇珍芝又議修石龍等屯歲收數十萬石自是淮南軍防頗足 孝昭帝皇建中平州刺史嵇暉建議開幽州督充舊陂今范陽郡范陽縣界長城左右營屯歲收稻粟數十萬石此境得以周贍又於河內置懷義等屯以給河南之費自是稍止轉輸之勞 武成帝河清三年詔沿邊城守堪耕食者營屯田置都子使以統之一子使當田五十頃歲終課其所入以論褒貶 隋文帝開皇三年突厥犯塞吐谷渾寇邊轉輸勞弊乃令朔方總管趙仲卿於長城以北大興屯田 唐開軍府以捍要衝因隙地置營田天下屯總九百九十二司農寺因此三項州鎮諸軍每屯五十頃水陸腴瘠播植地宜與其功庸煩省收率之多少皆決於尚書省苑內屯以善農者為屯官屯副御史巡行莊輸上地五十畝瘠地二十畝稻田八十畝則給牛一諸屯以地良薄與歲之豐凶為三等具民田歲穫多少取中熟為率有警則以兵若夫千人助收隸司農者歲二月卿少卿循行治不法者凡屯田收多者獲進之歲以仲春籍耒歲頃畝州府軍鎮之遠近上兵部度使宣達之 開元一十五年詔屯官叙功以歲豐凶為上下鎮成

永樂大典卷三五八七

三

地可耕者人給十畝以供糧方春時屯官巡行田作不勤者懲督之田收較百九十餘萬斛初度支歲市糧於北都以贍武振大德靈武益夏之軍費錢五六十萬緡沂河舟溺甚眾 建中初宰相楊炎請置屯田於常川發關輔民於陵陽渠以增溉京兆尹嚴郢嘗從事朔方知其利害以為不便疏奏不報郢乃奏五城舊屯其數至廣以開渠之賑貸諸城官田約以各輸又以開渠功直布帛先給田者據估轉賴如此則關輔免調發五城田闢比之浚渠利十倍也時楊方用事郢議不用而陵陽渠亦不成然振武天德良田廣袤千里 元和中振武軍飢宰相李絳請開營田可省度支漕運及絕和雜欺隱憲宗稱善乃以韓重華為振武京西營田和雜水運使起代北墾田三百頃出贖罪吏九百餘人給以耒耜耕牛假糧種使償所負粟二歲大熟因募人為十五屯每屯百三十人人耕百頃就高為堡東起振武西逾雲州極於中受降城凡六百餘里列柵二十堡田三千八百餘里歲收粟二十萬石省度支錢二千餘萬緡重華人朝奏請益開田五千頃法用人七十可以盡給五城會李絳已罷後宰相持其議而止憲宗末天下營田皆顧民或借庸以耕又以瘠地易上地民間苦之穆宗即位詔還所易地而耕以官兵耕官地者給三之一以終身靈武邢寧

土廣肥而民不知耕 太和末王起奏立營田後堯項大撥河西祁寧節度使畢誠亦募士開營田歲收三十萬斛省度支錢數百萬緡 上元中於楚州古射陽湖置洪澤屯壽州置芍陂屯厥田沃壤大獲其利 宋太宗皇帝端拱二年以左諫議大夫陳恕為河北東路招置營田使魏羽為副使右諫議大夫樊知古為河北西路招置營田使索湘為副使欲大興營田也 淳化四年知雄州何承矩請於順安寨西引易河築堤為屯田既而河朔頻年霖澍水潦河流湍溢壞城壘民舍復請因積潦處蓄積為陂塘大作稻田以足食 真宗咸平五年發直斗春請增廣方田疏治溝塍為胡馬之閑詔邊臣經度之順安軍威虜軍保州定州皆有屯田 元年改定州保州順安軍營田務為屯田務凡九州軍皆遣官監務置吏屬召募役兵自京師傳送鬻指幹以補牛闕 陝西轉運使劉綜上言今於古原州建鎮戎軍以備賊請遣於軍城四面置屯田務開田五百頃置下軍二十人牛八百頭以耕種之又置堡寨使其分居無寇則耕寇未則戰從之既而原渭亦開方田戎人內屬者皆依之得以安居 襄州襄陽縣有屯田三百餘頃知州耿望請置營田務是歲種稻三百餘頃五年以其煩擾罷之 唐州儲陽陂亦有營田務歲種七十餘頃後以其所收薄且

永樂大典卷三十五百七

四

擾人罷之賦貧民 天禧末諸州屯田總四千二百餘頃而河北屯田歲收二萬九千四百餘石而保州最多逾其半焉江淮兩浙承魏制皆有屯田克復後多賦與民輸租第存其名在河北者雖有其實而歲入無幾利在畜水以限戎馬而已 治平三年河北屯田有田三百六十七頃得穀三萬五千四百六十八石 神宗熙寧元年詔以坊監牧馬餘地立田官令專稼政以資牧養之用秦原武單鎮洛陽沙苑淇水安陽東平七監地餘良田萬七千頃可賦民租佃收草粟以備枯寒從樞密副使邵亢請也 四年河北屯田司屢言豐歲所入亦不償費詔沿邊屯田不以水陸悉募民租佃罷屯田務收其兵為州廂軍 五年知延州趙尚乞根括閑田及募弓箭手詔如其請行 七年章惇初築沅州亦為屯田務 元豐二年以所收不及額罷之 九年詔熙河路有弓箭手耕種不及之田經略安撫司權點廂軍佃之官置牛具農器人給一項歲終參較弓箭手廂軍所種孰為優劣以行賞罰 六月謝民憲言逃走弓箭手并營田地上昨多方設法召人請佃今未認租課乞許就近於本城寨送納特與蠲免夫移折變從之 知河州鮮于師中乞以未募弓箭手地百頃為屯田從之 元豐元年詔經制熙河財用司括冒耕地期半歲使民得自言 五年

提舉熙河營田康識言新復土地及命官分畫經界選知田廩軍人給一
項耕之餘悉給弓箭手人加一項有馬者又加五十畝每五十項為一營
四寨堡見缺農作廩軍乞許於秦鳳涇原熙河三路選募廩軍及馬連鋪
卒願行者又給裝錢二千從之 八年樞密院上河東經略司之言曰去
年出兵耕種木瓜原地凡用將兵萬八千餘人馬二千餘匹費錢七千餘
緡穀近九十石糗糧近五萬斤草萬四千餘束又保甲守禦費緡錢十三
百米三千二百石役耕民千五百在牛千具皆強民為之所收未粟蕎麥
萬八千石草十萬二千不償所費又借轉運司錢穀以為子種至今未償
增人馬防拓之費仍在年計之外應經略司來年再欲耕種乞早賜約束
詔諭呂惠卿母蹈前失 元祐元年永興軍民廩進狀言興平縣有地二
百四十餘頃久輸二稅熙寧五年本縣抑令退為牧地詔提刑司審定以
奏如他州縣更有以稅地改牧地者亦具以聞提刑司乞與免納租錢給
種如故 大觀二年陝西轉運副使孫琦言西寧湟廓三州良田沃野並
給族部略無賦稅今進築之初宜召諸首領與族長開諭令量立租課責
期限並委族長使之催諭詔重貫度其宜以行 五年提舉涇原弓箭手
司奏乞業漢蕃田土其已開熟地仍許著業外若非朝命所給而州軍帥

永樂大典卷三千五百七

五

司一時私自撥予或川原慢坡地上今仍荒閑者並以給招闢額人馬惟
不堪耕種者方許撥充牧地庶可究極地利增廣人兵從之 紹興元年
鎮撫使知荆南府解潛奏措置荆南歸峽荆門公安五州營田其後軍食
仰給省縣官之半 三年德安復州漢陽軍鎮撫使陳規放古屯田有逃
戶歸業者收單給之過三年者不受理凡軍士所屯之田皆相其險隘立
為堡寨其弓兵等半為守禦半為耕種如遇農時則就田作有警則充軍
用凡耕種則必少增錢糧秋收給斛斗犒賞依鋤田客戶則例餘並入官
凡民戶所營之田水田畝賦稅米一斗陸田豆麥夏秋各五升滿二年無
欠輸給為永業兵民各處一方流民歸業漸眾亦置堡寨屯聚凡屯田事
務營田司兼行營田事府縣官兼行吏不別置官吏當時廷紳因規奏請
相與推廣謂一夫授田百畝古制也厥今諸荒田甚多惟恐人力不足兼
肥瘠不同難以驟論當聽人戶量力取射其有闕少牛畜宜用人耕之法
以二人拽一犁凡授田五人為一甲別給菜田五畝為廬舍稻場兵屯以
大使臣主之民屯以縣令主之以歲課多少為殿最下諸鎮推之 又詔
江東西宣撫使韓世忠措置建康營田 又詔湖北浙西江西屯營田徭
役科配並免 五年屯田郎中樊賓言荆湖江南與兩浙膏腴之田彌亘

數十里無人可耕則地有遺利中原士民扶傷南渡幾千萬人則人有餘力今若使流寓失業之人盡田荒閑不耕之田則地無遺力可以資中興

六年右僕射張浚奏改江淮屯田為營田凡官田逃田並拘籍以五頃為一莊募民承佃命措置官樊賓王舉行之尋命五大將劉光世韓世忠張浚岳飛吳玠及江淮荆襄利路帥悉領營田使江淮營田置司建康歲中收穀三十萬有奇七年監中獄李家言營田之官或押配豪戶或強科保正田瘠難耕多收子利浚亦覺其擾請罷司以監司兼領於是詔帥臣兼領營田內見帶營田使名者即仍舊詔獎諭川陝宣撫吳玠治廢墮營田六十莊計田八百五十四頃約收二十五萬石補助軍糧以省餽餉十六年定江淮湖北營田以紹興七年至十三年所收數內取三年最多數內取一年酌中為額縣官奉行有方無詞訴抑勒處分三等定賞罰隆興元年工部尚書張闡言今日荆襄屯田之害非田之不可耕也無耕田之民也官司慮其功之不就不免課之游民游民不足不免抑勒百姓捨已熟田耕官土田私田既荒賦稅猶在或遠數百里追奪以未或名雙丁役其強壯占百姓之田以為官田奪民種之穀以為官穀老稚無養一方騷然有司知其不便申言於朝罷之誠是也然臣切謂自去

水樂大典卷三十五頁八志

六

歲以來置耕牛置農器修長木二渠費已十餘萬其間豈無已墾闢之地豈無廢舍場圃尚可卒業一旦舉而棄之不為勢家所占則是捐十萬緡於無用之地而荆襄之田終不可耕也臣比見兩淮歸正之民動以萬計官給之食以半歲為期今踰期矣官不能給則老弱飢餓者轉而他之殊夫斯民向化之心兼亦有傷國體良愚以為荆襄之田尚有可承之規與其棄之孰若使歸正之民就耕非惟可免流離庶使中原之民知朝廷有以處我率皆極負而至異日墾闢既廣田疇既成然後取其餘者而輸之官實為兩便詔除見耕種人依舊外餘今虞允文同王珪疾速措置元史志樞密院所轄左衛屯田右衛屯田中衛屯田前衛屯田後衛屯田武衛屯田左翼屯田萬戶府右翼屯田萬戶府中一翊侍衛屯田左右欽察衛屯田左衛率府屯田宗仁衛屯田宣忠扈衛屯田大農司所轄水平屯田總管府營田提舉司宣徽院所轄淮東淮西屯田打捕總管府豐閔署寶坻屯田腹裏所轄軍民屯田大同等處屯田總管府屯田虎賁親軍都指揮使司屯田嶺州行省屯田遼陽等處行中書省所轄屯田大寧路海陽等處打捕屯田所浦峪屯田萬戶府金復州萬戶府屯田肇州蒙古屯田萬戶府河南行省所轄軍民屯田

永樂大典

卷三五八七

南陽府民屯 洪澤萬戶府屯田 弓陂屯田萬戶所 陝西屯田總管
 府 陝西等處萬戶府屯田 貴赤延安總管府屯田 甘肅等處行中書省
 所轄軍民屯田 寧夏等處新附軍萬戶府屯田 管軍萬戶府屯田 寧
 夏營田司屯田 寧夏路放良官屯田 亦 屯田 江西等處行中書
 省所轄屯田 贛州路南安寨兵萬戶府屯田 汀漳屯田 高麗國立屯 四
 川行省所轄軍民屯田 二十九處 雲南行省所轄軍民屯田 一十二處 湖
 廣等處行中書省所轄屯田 三處 開封府志本府所屬計一百四十二屯
 祥符縣安吉衛四屯 神武衛一屯 寧國衛二屯 大梁衛一十八屯
 堅城衛一十六屯 祥符衛三屯 通許縣安吉衛四屯 寧國衛三屯
 堅城衛二屯 杞縣安吉衛一屯 宣武衛三屯 興化衛四屯 寧國
 衛一屯 陳留縣安吉衛六屯 宣武衛六屯 神武衛一屯 寧國衛一
 屯 祥符衛三屯 堅城四屯 大梁衛一屯 封丘縣堅城衛二屯 陳州
 衛計五十六屯 洪陵村一屯 北鄭莊一屯 西鄭莊二屯 白塔村一
 屯 西城村一屯 雙塚一屯 平信鄉一屯 南鄭莊二屯 古城村
 二屯 柳牌村五屯 五祥村二屯 永安村一屯 黃堆村四屯 司
 凌村七屯 九里溝一屯 紅龍溝二屯 明化鄉二屯 馬村二屯

水樂大典卷三五八七

七

蔡河西三屯 方城店一屯 栗園村一屯 劉村一屯 荆柯村三屯
 孟家莊一屯 龍岡村一屯 高橋村三屯 黃連村一屯 岡頭村
 一屯 八丈村二屯 名河村一屯 汝寧府志汝寧府所屬計六十七屯
 汝陽縣徐家莊屯 黃里保屯 黃家店屯 賈家莊屯 劉家莊屯
 馬家莊屯 謝唐店屯 芋麻店屯 楊家店屯 趙家店屯 永豐屯
 興莊屯 石羊保屯 蕨家莊屯 羅古橋屯 右曹莊屯 西達保
 屯 窪灣屯 綠臺屯 寨頭屯 右廣積屯 七里保屯 趙莊屯
 桃陂屯 羅莊屯 臻口屯 殷宅屯 官莊屯 三橋屯 萬勝屯
 吳莊屯 崇興屯 慶豐屯 永安屯 後廣積屯 永積屯 積餘
 屯 義永屯 新安屯 確山縣劉家莊屯 李家莊屯 葛家莊屯 溝
 頭屯 左韓莊屯 陂頭屯 石橋屯 路家莊屯 桃莊店屯 達達
 莊屯 新莊屯 右韓莊屯 後魯莊屯 三溝屯 栗林莊屯 夏家
 莊屯 窪莊屯 曹塘堰屯 棠林莊屯 梁塘堰屯 趙家莊屯 柳
 莊屯 上蔡縣邵店屯 半坡店屯 陳家莊屯 周家莊屯 河南府志本
 府所屬軍屯計三十五所 洛陽縣李家保五屯 杜村保三屯 康家莊
 保一屯 金水保二屯 谷水保二屯 偏橋保一屯 水南保一屯

碑橋保一屯 嶺脚保二屯 宜陽縣高橋保二屯 嵩縣王者保五屯
 新店保二屯 鳴皋保一屯 伏川雙槐樹一屯 鵝鴨池一屯 新店
 一屯 槐林村一屯 西故驛村一屯 黃村一屯 西梁村一屯 南陽府
 志本府守禦南陽衛左右前後千戶等所計二十五屯 南陽縣守禦左右
 千戶所十五屯 卧龍岡屯 蚊子港屯 北牛羊寨屯 附郭屯 密
 河屯 南牛羊寨屯 石羊屯 北雷屯 北石磨鼓屯 盈益鄉屯
 七里屯 南石磨鼓屯 灤兒河屯 鎮莊屯 雞頭湖屯 鄧州守禦前
 千戶所二屯 七里河屯 陶莊屯 唐縣守禦後千戶所八屯 車兒港屯
 東趙莊屯 東三家河屯 清水河屯 徐家園屯 張青寨屯 竹
 根潭屯 西三家河屯 彰德府志彰德衛設立屯一十六所 安陽縣郭村
 等社計立一十三屯 城英屯 陳青屯 王成屯 毛通屯 倪遵屯
 周興屯 胡成屯 陳平屯 李德屯 王成屯 吳義屯 王忠屯
 詹祥屯 林縣白佛等社設立二屯 菜園屯 柳灘屯 隨州譚陂屯
 勾陂屯 李陂屯 實陂屯 新修隨州圖經在應山縣南其屯所官在
 德安府城中北京志倚郭井所屬各州縣洪武四年設置官給牛具子種
 各衛分撥軍士開墾荒田以為足食安邊經久之計云宛平縣志軍屯一

永樂大典卷三千五百七

八

十一所 彭城衛屯 四孝義鄉二 永安鄉二 永清左衛屯 五 玉河鄉
 二 京西鄉三 大興左衛屯 二 永清縣志軍屯一十一所 燕山右衛
 六屯 南關社一屯 北孟社二屯 中义口社一屯 焦堡社二屯
 彭城衛四屯 別古莊社二屯 橫亭社二屯 大興右衛一屯 別
 古莊社 固安縣志民屯 媽川州歸附民屯 柳泉屯 彭村屯 魏村
 屯 黃堡屯 沙堡屯 賈家莊屯 中公由屯 香河縣志軍屯 密雲
 衛中所屯 在營莊社 永清右衛屯 在河北村 西辛莊屯 馬村屯
 官莊屯 唐楊屯 東徐屯 丁村屯 馬慶屯 軍屯 燕山護衛屯
 四 孟姜社 王園社 南房上社 曲溝社 燕山前衛屯 六 趙宗
 莊社一 良渠社 濟州衛屯 七 西辛莊社 曲溝社 二 賈家莊社
 一 外和社 二 彭村社 一 永清右衛屯 二 牛塌社 良渠社 永
 清左衛屯 一 南趙社 順義縣志軍屯 二十六 密雲衛 八 城子社 一
 北米社 二 牛欄山社 二 甸子社 三 永清右衛 七 塔河社 一 榮
 家莊社 二 甸子社 一 沙峪社 一 管頭社 二 通州衛 二 榮家莊
 社 一 定順堡社 一 大興左衛 二 甸子社 一 汪路社 一 濟陽衛 一
 定順堡社 燕山右衛 六 坊市社 一 北米社 二 胡家莊社 一

塔河社一 甸子社一大興縣志軍屯二十八 燕山左衛屯九 添保
 恭社一 施仁關二墳莊二 赤村社一 盧家堡社二 棗林莊社一
 大興右衛屯九 魏村社三 大師莊社三 七里鋪社一 華家莊
 社二 燕山右衛屯四 齊化關二 大黃莊社一 崇仁關一 清潤
 社四 彭城衛屯二 李賢社二 良賢縣志軍民一十七 永清左衛一
 十 魯村社四 高舍社三 北趙社二 長舍社一 濟州衛二 坊
 市社一 公村社一 燕山護衛三 公村社二 高舍社一 燕山左
 衛二 丁修社二 昌平縣志軍屯一十九 大興左衛一十二 白浮社
 一 蘭溝社一 清河社五 清龍社一 豐善社二 孟村社一 堂
 樂社一 濟陽衛三 坊市社一 白浮社二 永清右衛四 蘭溝社
 二 豐善社二 東安縣志軍屯四十七 燕山左衛八 在史家務社
 燕山右衛四 在邵家莊社 永清右衛二 在史家務社 大興右衛
 一 在第十社 彭城衛五 北昌社 史家務社一 濟陽衛二十七
 北昌社八 王家莊社二 岱頭社一十七 密雲縣志軍屯 密雲衛
 遠西莊 平豐曹家寨 省莊 太師莊 燕樂 安家莊 廟城 孝
 德涿州志軍屯 永清左衛屯 在徐里社 渠落社 西郭社 南丁

永樂大典卷三千五百七

社房山縣志軍屯 濟州衛軍屯一 在王佐南社通州志軍屯 通州
 衛二十九 東劉社二 北尹社二 裴村社一 兆善四 招理社六
 王村社二 阜民社二 南尹社三 西城社一 延慶社一 葛渠社
 一 富豪社一 臺胡社一 扶仁社一 燕山右衛四 裴村社二
 安德社二 永清右衛五 西陽社五 三河縣志軍屯一十二 通州衛
 屯一十 劉戡莊社七 如口社二 軍下社一 密雲衛屯二 汪會
 社 得勝社武清縣志軍屯一十六 燕山衛屯九 在落堡社六 北
 汪社三 濟陽衛屯三 在北汪社 大興衛屯二 在北汪社 彭城
 衛二 在韓村社一 北汪社一 溇州志軍屯七 大興右衛屯四 在
 尖堡社二 清善社二 燕山右衛屯二 在清善社 濟陽衛屯一
 在義高社薊州志軍屯一十四 薊州衛屯一十三 新莊社三 白巖
 社三 盤山社二 隆灣社一 三家社二 林河社二 通州衛屯一
 在素梓社遵化縣志軍屯 薊州衛屯 溫泉社三 渤海社二 均
 子社一 坊市社二 順德府志軍屯見那臺縣洪武五年設置本衛差官
 分撥軍人於荒閑田土置立屯所開墾布種官收子粒以贍軍士真定縣
 志軍屯 真定衛一十八處 樂令社十二 邵周社三 北牛社三

永樂大典

萬城縣志屯四 大馮村一 梁村一 小馮村一 奉化村一定州志
屯八 王呂社三 張村社三 西張社二 保定府新城縣志韓村屯
在城東四十里洪武八年設置係濟州衛軍人屯種已上三屯俱於荒閑
地土置立開墾布種官收子粒以贍軍士 高密店屯在城西四十里洪
武八年設置係水清左衛軍人屯種 封上屯在城東南三十里洪武八
年設置係濟州衛軍人屯種 永平府志軍屯 見倚郭縣并各州縣洪武
五年設置官給牛具子種永平衛分撥軍士開墾荒田以為足食安邊經
久之計昌黎縣志安奉社屯 葛家莊社屯 石門社屯 劉平保社屯
盧龍縣志永平衛軍屯 桃山社屯 北亦奉社屯撫寧縣志宣程社
屯灤州志橫山營社屯 瓊州軍屯瓊臺郡志瓊山縣遵化屯 石山屯
澄邁縣 水南屯 水北屯 曾家屯 保義屯 檳榔屯臨高縣 定
南屯 田牌屯 新安屯 定安縣潭攬屯 前代無額至元中平章潤
里吉思平黎括劫叛賊田土為屯田官給牛種召民耕佃設立提領二員
以領之歲徵佃戶田糧納倉俱有定額後立屯田衙門糧屬兵府徵收遠
軍罷復為安撫司洪武三年撥隸各縣通領年見田于李椿集論准甸屯
田隋魏公入秦時竊謂屯兵准甸轉輸頗艱民不著業荒田迷望屯田之

水樂大典卷五百七

十

利最為急務言者固多而委任不專號令不一無所取信於人故竟未有
成效概其管見如後一兵民之分久矣今者或募民屯田或率民為屯田
竟不成者不得其理也江浙之田不以肥瘠民爭尺寸法准之田雖極膏
腴棄而不耕者蓋民不恃兵則不保朝夕今欲屯田必成必使兵民共耕
可以省轉輸之費兵民共耕必使相愛而不相嫉相資而不相害各得其
所久而相安則兵隱於農邊鄙實矣一廬壽光濠和滁真揚楚盱昭等州
軍合先行措置去處一兩淮見今荒田不以有無業主並充屯田之數其
見今請佃官田耕種之人願依今來屯田者聽於見輸租課內減半輸納
一兩淮之田不得典賣其有物力退減須典賣者並中入官一州委知州
同統制官縣委知縣同將官董兵之數民之戶相半為標撥田段之準於
未給之前標定充民戶田官兵田縣置圖冊按圖給之庶不致臨時啓爭
競之端一標撥田段當以十分為率以一分為公田屯田人分工耕種其
所得課子並入耕種兵民收受如願中難入官者從便十年之後方量立
租課或止取公田所收一種子牛具官為借給收成三年還納其直內官
兵耕牛更戍兵將官交割看養非災疫而有充損者陪備其滋生牛犢中
官就養亦是一利原也一官兵每名給田地共五十畝其有私身願給田

永樂大典

卷三五八七

者聽民戶每戶給田地共百畝丁多者每丁五十畝一也田民戶聽於州
 城內指射空地以備蓋屋居住收貯穀子如止願於田頭居住者從便一
 也田民戶課種桑麻蔬菜官兵課種梨栗菓木可以收利者使有以相資
 也一官兵給田須將分隊伍使相近便易於管轄軍器貯於城寨令不係
 屯田人常加修飭砥礪官兵一年更戍當約計更戍之數給田一屯田州
 選擇守臣久任之候屯田就緒日推實縣令不任職者聽守臣選擇替換
 一監司守令皆帶勸農之銜而留意勸農者未之聞也今屯田州各於近
 城留數百畝守令以下及公吏等躬耕之以為兵民之勸一屯田收成一
 歲之後修築城壘二年之後開溝洫做井田之制一淮東西兩漕宜省併
 止置一漕充兩淮轉運兼屯田使以考察屯田守令勤惰而陞黜之一未
 盡事宜更在所委屯田官相
東屯 鄆縣志東屯在夔州奉節縣東十
 度從長措置詳見田字下
 居漢東即其地平川百頃精鑿白粳為蜀第一善社工部詩從驛次草堂
 復至東屯二首鴨口。按是千秋。公自東屯入歸漢西。此復至東屯。蓋冬初
 也。峽裏歸田客江邊借馬騎非尋戴安道似向習家池山陰風煙合天寒
 橋柳垂桑場看飲積一學楚人為 短景難高卧衰年強此身山家蒸栗

永樂大典卷三五八七

暖野飯射康新世路知交薄門庭長客頻牧童斯在眼田父實為鄰 暫
 住白帝復還東屯詩云 復作歸田去猶復穫稻功桑場鄰穴蟻拾穗許
 村童落杵光輝白除芒子粒紅加餐可扶老倉廩慰飄蓬宋壁鴈湖集留
 題東屯詩 十載風流表出師神龍山寺已題詩兩賢心跡元無異更謁
 東屯老拾遺 連峯疊障擁呼嘯箇裏誰知掌樣平還有人家留客醉石
 榴花下聽啼鶯 作意元非谷口耕後來更說以詩鳴慙慙只有香溪在
 曹照先生白芟莖 早日阜慶許致身最憐一飯不忘君飄零豈意窮山
 裏目斷長安隔戍雲陸放翁詩東屯呈同遊諸公詩 十月霜彫楓樹林
 清溪白石稱幽尋按行老子誅茅地惆悵孤臣許國心走馬平沙嫌路近
 傳杯小閣喜寒侵也思試索梅花笑凍藥珠欲不禁王梅溪家政集東
 屯詩 少陵別業古東屯一飯遺忠剛畝存我輩月叨官九斗須知粒粒
 是君恩東屯成餘玩來。不滿百石。監司郡守。月俸九十。東屯溪山之勝似
 吾家左原 東屯別是一山川水秀山青似左原我待還家築茅屋作詩
 招取少陵竟項安世詩東屯分韻得大字 詩翁骨成塵已于地如芥驅
 車藤刺亂跋馬山石隘景因名自佳物以人故大容未不一到百歲負清
 債遂今東屯遊水作一生快君看黃岡頭屋破古井壞持有東坡翁過者

不敢拜諒知萬物靈山水蒙庇賴男兒勿自貶著意塵土外 代人得項
字郡官每歲分食米七石郡官所食稻共此一百頃小人以力耕君子以
德請 代人得平字 遠澗綠崖入中間有許平史哉桃萬樹應得避秦
名 代人得若字 尚想東也詩十九落岩壁雨夜聞笙簧春風化蘭若

代人得按字 新收舍前雲葛管舍北澗一為草堂人從頭點詩案

洪平齋集東也詩 華嶺欽岑轉百盤吹天深處得平寬秋風策策藤花

老暮雨蕭蕭稻子寒仁者樂山心本靜碩人在澗體俱胖農家不解詩翁

趣只道豐年了納官孫燭湖先生集寄詠東也 聞說東也勝詩仙有葛

遊茅齋深翠竹石徑俯寒流几杖千山月鉏犁百頃秋歸途客醉酒句法

儻堪求鄧紳伯詩遊東也 滿日燒畬險那知此地偏一川通德水百頃

著平田茅屋址猶在草堂名自 東武關屯 鎮江志東武關屯吳

傳蠻歌晚未起仍覺在天邊 置與地志未詳其地

茶泊屯 元一統志茶泊屯在寧夏 信鬼屯 元一統志信鬼

州大河之東 藜園屯 元一統志在寧 太平寰宇記

與茶泊相對 夏路靈州之北 在宣州南陵

永樂大典卷三十五頁七

七

縣西北吳所置赭圻屯處也晉表帝以桓温入朱 刺女姦屯 與地志

朝政自荆州還至赭圻詔止之遂城赭圻鎮是也 豐縣西百步今廢 石鱉屯 音書

城西十八里下鼻 防守屯 與地志宋置在金 穆帝

滿美置刺姦屯 升平初荀美為北部都尉鎮下邳起屯田于東陽之石鱉在臨淮郡界公

私利之北齊廢帝乾明中尚書左丞蘇瑜之又議修石鱉等屯歲收數十

萬石自是淮南軍 馬屯 元一統志馬屯在平涼縣西南十六國春秋

防糧儲充足矣 云姚萇與苻登戰于高平登敗奔于馬屯即此

頌平屯 南史梁本紀武帝大同八年於江 臯亭屯 元一統

屯在臨賀縣按荆州記云屯有青石方三百丈許石上有磨刀斧跡春夏明

淨有新磨處秋冬漸土苔穢傳云是雷公霹靂紀勝云屯在桂嶺蓋小誤

銀城屯 饒州德興縣志屯在縣東一 百家屯 句容新志吳

衛人採金輸官兵帥百 西華屯 唐書孟元陽為陳許大將節度曲

家遂屯居伏龍之地 環使董作西華屯盛夏橋而立于

塗後休乃就舍故田
輒歲稔而軍食常足
黃屯 秋滿新志黃屯在貴池縣東南五十里唐
乾符六年十一月黃巢攻鄂州陷其外郭

轉掠饒信池宣歙杭等十五州
州城其基猶存稍東二里有石關名鐵券山亦傳信宗賜巢鐵券之處廣
明元年四月淮南將張璠渡江與巢

戰于大雲倉屬東流與華州州相近
趙屯 宋黃亞夫伐檀集宿趙屯
暮山間聞雞犬無人見煙樹行逐羊豕跡始識入市路芟芟與魚蟹居人
足未去漁家無鄉縣滿船載稚乳鞭笞公私急醉眠聽秋雨右詩與大孤

山一首山谷雲于書刊石于南唐呈于聖有政見外集清江三孔集孔武
仲泊趙屯 憶昨省觀趨滄川萊衣擁綠方少年艱難險阻俱未歷五岳浪

勇決唯爭先舟發趙屯猶未飯有風北起空濛間掀搖三山巖五岳巨浪
倒潑東南天千林向人俱頽仆兩岸過眼真飛霧帆橋迴曼河漢底鷗首

俯飲蛟龍淵跳波濺沫來四面坐中時得鯉與鱧妻啼婢誚殊不顧兀坐
正讀道遠篇為言方破萬里浪不爾捉月為神仙江中逢巨石頗突為引

牽遠迤水勢亦平緩幸免肝腦輸烏鳶暮投彭澤宿荒草神驚魄顛何能
眠自茲稍悟垂堂戒釋紋纒起不敢前矜持太過僅無患往往所至傷留

連乃知老謀與壯事心膽殊異難兼全重來此地畏洶湧藏舟別浦看漪
連魚跳鷗下自可喜何用蛟鱓飢流涎斜陽依依照草木夾岸葭莩鋪書

氈兒今弱冠昔何有昔領無賴今皓然二十餘年纒瞬息時事幾蛻如秋
蟬區區走俗亦何賴安得尺地集林泉宋陸放翁詩雨中泊趙屯有感

歸燕鷓鴣共斷蕙秋花楓葉泊孤村風吹暗浪重添纒雨送新寒半掩門
漁市人煙橫慘澹龍祠蕭鼓鬧黃昏此身且健無餘恨行路雖難莫更論

元董嗣杲廬山集次趙屯 船沿江北行不見江邊樹颯颯蘆葦空棲鴈
泣如訴波濤極衝撞沙岸已顛仆東傍趙屯未結茅是誰住簷破炊煙散

豈足禦風露小兒索于飲病婦織芒屨良人糶米出煙江未明度妻兒火
待歸頭行想回路今年遠避早寒衣不曾具薄業何能問苟且遣朝暮此

地多遺基向也盛生張關洛幾時清徒激衝冠怒客子重吁嗟半世多窘
步無位進替言慨此歲月誤有地不可耕有天不可顯投淚歸來休三徑

想如 **富屯** 元范德機詩至富屯 承恩十里出江鄉耕歷 **鴻澤**

故 **屯** 三關道路長黃葉露開山市集見人鳧鴈憶橫塘

劉基眉庵集鴻澤屯 扁舟日西行風急更逆水顧瞻無民屋所歷

但蘆葦前塗轉村砦日落埃烟起兵夫八九人常服佩弓矢雖無地

永樂大典卷五百七

十三

警勞舟楫得河止備提拾荆薪往往復蚌蠡周原一何廣吹蒼蕪不理當
時乏咻也固積紛露萎嗟嗟芸籽人力戰盡為鬼寒沙雜朽骨霜露白齒
齒治亂固有常惜但何乃爾所望牧守賢哺息自茲始但恐科役繁輸納
罄糠粃悲我方遠役弗暇顧妻子婪緯不自卹何能復衰此臨流發長嘯
斗柄揭西指作詩示
同行丈夫志萬里 **衛尉八屯** 小學紺珠衛尉率吏士周官外
威章溝嚴史之舍徽道外周十廬內附衛尉八屯警夜巡晝植鐵乘猷用
戒不虞 初元五年司馬中注師古曰衛尉有八屯衛尉有司馬主衛士
徽巡宿衛每面各二司馬 **江南北諸屯** 太平州圖經南岸六
故謂宮之外門為司馬門 **泗州古屯** 太平州圖經南岸六
公遺第 二屯東梁山第三屯雙港口第五屯下磯頭第六屯萬家沙第九
屯北岸四屯裕漢河口第四屯柵江口第七屯泥汊河口第八屯穆潭河
口第十屯建夷庚戌元末自馬家渡而濟縱蠶於江浙之間我有虛可構
也紹興辛巳運亮謀渡米石而敗送死於荒江之濱我無瑕可攻也江流
湯湯古號天險然有備則為難犯之金湯無備 **鳳陽三屯** 鳳陽
則皆可涉之津涯分屯列隘當塗尚慎旃哉

水樂大典卷十五頁志

西

經志翟相山屯 **泗州古屯** 元一統志古屯在今徐城廢縣西南
魯山屯獨山屯 八十五里陳大建五年大將吳明徹
于此置堰斷淮水以灌濠州緣此築城置兵防守其城內南北作隔分為
兩城淮南招義縣界又有一城臨水南北相對亦是同時所築名為屯城

古營屯 太平寰宇記古營屯在盱眙縣西 **陸抗換屯** 三
北八十里乃三國已未營屯之所 **陸抗換屯** 三
志陸抗與諸葛恪換屯柴桑抗臨去皆更結完城圍葺其墻屋居廬桑
果不得妄敗格入屯儼然若新而恪柴桑故屯頗有毀壞深以為憾

喻卒歸屯 宋史折可適傳東兵久不得食十人成聚藉藉于軍
門或欲掩殺以為功可適曰此以飢而逃耳非叛也
單馬出詰之曰爾輩何至不為父母妻子念而甘心
為異域鬼耶皆回面喏流涕謝再生各遣歸屯 **軍列二屯**

金史東海郡侯重慶元年十月十八日 **摘軍遠屯** 元史武宗紀
大軍至城下一屯仁皇寺一屯大安門 二年四月癸
亥摘漢軍五千給田十萬 **結壘屯聚** 晉書蘇峻傳永嘉之亂百
項於直沽汾海口屯種 姓流亡所在屯聚峻糾合

永樂大典

卷三五八七

得數千家結壘于本縣于時素傑所在屯聚而峻最獲遺史徐璋宣徽諸
屯示以王化又收枯骨而英遠近感其恩義推峻為主遂射獵於海邊青
山中元帝問之宋曹鞏釋疑京師 **京師雲屯** 雲屯句服甚置 **鐵騎雲屯**

唐王右丞集祭姜將軍文天子命我建旗四 **三軍百萬屯** 宋

門帶甲十萬鐵騎雲屯橫挑強胡飲馬河源 **蜂屯** 宋李曾伯可齋集壽國

之道相山集湖南運判謝表九州數十 祈雨青詞以斗州三月

縣悉隸按澄三軍百萬屯威資餽餉 之徒聚此蜂屯當勅寇四旬之圍凜如

文 宋末起巖東壻集馬司歸屯且蒐項不才識見卑淺雖軍旅之政未
之學而人情所可見事勢所當行者臣亦常見一二願為陛下略陳
之切見建康都統一司係是久駐於彼近年復撥馬軍行司前去亦有統
帥今都統所管之兵四萬馬軍所管亦三萬餘人數目亦均總司所給尤
為浩瀚卿未朝廷撥遣軍馬之意不過謂一旦或有不警便可調發然利
一害十似亦未使近聞兩司各相求勝多不相叶至於主帥競利紛爭下

永樂大典卷三五八七

五

至士平亦各相忌臣以謂行在所去建康止是五六日縱有調發亦不至
甚濡滯兼建康已有都統司似不必更置馬軍况三衛之兵拱衛闕下尤
不宜分置他處使將帥各求相勝因事成隊或誤軍政寔為未便臣愚
欲望聖明灼見利害特發睿旨斷令馬司一軍依舊歸屯在所庶幾兩司
各盡其職亦於護衛行闕不虞祖宗朔法之意臣妾議軍事罪在不遑惟
陛下財素 楚州屯戍狀臣竊謂城守以為固不若軍心以為固蓋城雖
堅而固之者在人軍無二三之心則城甚於百二山河之險也故曰衆心
成城此言誠在於衆而不專在於城也臣竊奉選命護客有行往來之間
道由楚州切觀本州城壁勢極雄壯蓋楚州實為揚州藩籬之衛也臣復
詢之淮民與軍士等皆謂自淮而南其陸路至揚州則自盱眙由天長而
來其水路則自清河口由楚州而來也然楚州尤為要害者以敵人糧道
必由於楚又楚在揚之前其來則楚為之敵若以他路至揚州則楚又扼
其後所以朝廷以楚為重增城設壘不敢忽也今楚之人皆謂頃年朝廷
嘗以武鋒一軍八千人屯駐于楚軍人家屬悉在焉誠足為緩急死守之
備自揚州增砌堡寨以一時建議者遂移武鋒一軍盡屯堡寨今不過今
鎮江都統司每歲更戍于楚僅五千人耳既無老小同行又每歲一替不

為大計總司復添支食錢幾二萬緡誠恐緩急之日更戍之士各念妻兒在他郡且非久也吏練者恐不能責之尤守且等欲望聖慈以楚城為楊州腹背要害命樞廷相度或不復武鋒一軍即乞令鎮江都統司撥五千人選擇將副各同老小就來年二月合更戍者審與分屯久戍于楚庶不致皇其元未武鋒軍寨屋見今存在却預行修葺庶幾軍士老小同戍且為大計其與無家屬而更戍者事跡全然不同他日緩急可恃以固守兼亦省總司每歲二萬餘緡之費誠非細務范石湖大全集乞免移屯與款政答宣諭劉子恭昨奉鈞海傳諭上指議欲移屯重川綿州大軍二千人前來成都并聽成都帥臣節制等事竊惟成都府根本全蜀而武備玩愒卒乘單弱若增屯大軍誠可折衝惟是潼川綿州兩軍屯戍皆經四五十年老身長子各已成家婚姻盤錯墳壘相望揆之常情恐未免安土重遷必先為之經畫措置曲盡其宜使盤挈之初免家其破散之憂既到之後無暴露羈旅之戚人忘其徙家安其舊然後有利無害略計營壘支搨之費無慮十有餘萬非一日可遽辦者至於目下既有姦盜竊發一切緩急事宜有合調發去處緣去年復再置四川制置司時已有九月五日專降聖旨依條具合行事務內一項四川諸州姦寇夷獠之患許從制置司

永樂大典卷之五百七

六

審度事勢差發都統司西兵捍禦今未成都帥臣係兼四川制置使遵照上件指揮於諸處屯兵自可節制奉行不至闕誤所有移屯欲乞鈞慈特賜開陳少寬限期容某續更子細相度并計算所費萬數條具申聞某傳詢熟究以致拜答稽緩伏乞鈞慈特賜矜恕度允文奏論皇甫個屯守去處臣先准三省樞密院劄子坐忠勇軍都統制皇甫個中乞不聽趙撝節制奉聖旨令臣相度施行今又准三省樞密院劄子坐皇甫個中乞朝廷別差官知唐州已一面提領全軍壯人老小於淮南界上選擇衝要處屯守伏乞照會施行奉聖旨令臣相度如合差官一面選差且與勘皇甫個自去年春以後元在唐蔡界上屯駐為襄漢一帶藩籬要有勞動蒙朝廷推用升正官資寵以州判上聞之職使與諸軍同力屏扞上游止因與趙撝小有嫌隙意欲移出搏管界之外為避仇之計而襄漢邊面闊遠藩籬益薄重貽九重西顧之憂且去年正月十五日在濠州同成閻達皇甫個前去糾合忠義人以援陳蔡見其人材驍勇兼有智略可以倚仗除已移文專遣官前去諭個且令安職固守舊寨以免一軍老小遷移改置堡寨之勞如個之意以本寨去虜營不及百里果以虜騎不測侵擾為憂即令於隨州信陽一帶自擇要地屯駐外欲望睿慈特賜詳酌如臣所陳可

米即乞行下皇甫倜依臣已行事理施行小貼子臣竊慮皇甫倜所中或
是以趙博即制為疑移軍出京西界意非韓充無知唐州已一面移文皇
甫倜令權聽本司即制以安其反側之意伏乞裁酌施行李莊簡公集中
都督府乞今秋進屯池州狀勅會池州正臨大江與江北舒蕪等州相對最
為控扼昨來李彥卿乞泊韓世清一軍劉洪道屯駐在邦擗等諸頭項軍
馬防守劉洪道將帶在邦擗等前去建昌軍批枝蒙差下王進將帶所統
人馬池州防隘今來王進一軍已蒙朝廷差充都督府統制官其池州即
今並無軍馬守禦緣防秋在近及據池州中舒州界見有盜賊出沒作過
不可關兵備禦今照本司所管軍馬內王冠一軍已依朝旨發往廣德軍
防隘及張崇系樞密院水軍并李貴小張俊系要於建康府邊江把截應
援使換外有水軍秋進一項八船今相度欲遣發前去池州防犯江岸檢
準都督府四月四日劄子備奉聖旨遠路見今應統兵大小將帥並許聽
節制緣本司軍馬系聽都督府節制未敢擅便起發仗候指揮中樞密院
乞令王進依舊屯池州狀契勅池州最係緊切控扼之地諸處清兵不測
侵犯本處不可不屯重兵以備守禦今來王進已勾赴都督府相公府
充統制官本州守臣葉煥雖已到任本官別無兵馬竊慮緩急不可責以

永樂大典卷五百七

屯

必守今來王進已到本府與其相見亦願且在池州屯駐除已具狀申都
督僕射相公伏乞指揮且令王進依舊統制軍馬就池州防托委得兩使
伏乞指揮施行小貼子稱契勅江池二州新差文臣其劉紹先王進却今
赴都督府稟竊詳朝廷之意本慮紹先等已為守臣恐勢不相下今則不
然二州皆財用窘乏之處若使文臣為守以撫養百
姓武臣為將以捍禦盜賊各自兩便伏乞照會

屯長 史記陳涉世家二世元年七月發閭左適戍漁陽九百人屯
大澤鄉陳勝吳廣皆次當行為屯長會天大雨道不通

吐屯 太平廣記突厥號御
史為吐屯詳御史

屯氏 氏族言行錄姓苑云渾沌氏之後去水為屯漢有常
山太守屯莫已郡後蜀法部尚書屯度望出巴郡

普屯氏 羅泌路史夏后氏紀昭王南征平繇靡為
右御極王而俱溺封其子西莒有普屯氏

普屯威 度信集周上柱國宿國公河州都督普屯威神道碑銘并
序 公諱威字某河南洛陽人也舊姓平隴西人基若水

之源纂商丘之胄邑于大亳實定其居封于小辛乃成其姓是以三川被髮辛有得見事之機八卦占又辛廖有知人之鑒佐治以東都上將魏帝解衣武賢以西園功臣漢王推轂祖大汗武川太守考主河州四面總管大都督隴右貴臣河西鼎族公侯踵武岳牧連鑣並得聲振長榆名雄高柳公乘靈山岳誕載星辰結髮巍然韶年成德澄波萬頃建標千仞鋒穎既高光芒已遠青矜學劍既為人主所稱童子論兵即在中軍之策水照元年入仕蒙授直造都督太祖文皇帝雪舊君之耻連西伯之功始製鴻溝初登函谷公濯衣沐髮杖劍棘門撤洗足而相迎下賓階而顧問自此即居帳內仍為直寢授寧遠將軍羽林監白土縣開國伯邑五百戶大統元年從迎大駕進爵為侯增邑三百戶加冠軍將軍散騎常侍轉大都督公善於用兵長於撫御自攻洛陽定弘農戰河橋平沙苑冒刃衝鋒前無橫陣况以弦木六鈞亟犀七屬門多縣冑箭必中鞍山積器械谷量牛馬軍吏計功司勳賞策授使持節銀青光祿大夫進爵為公增邑八百昔者受律亦符韓信當十里治兵白帝張飛擬萬人皆比於今日公之謂也五年授使持節都督揚州諸軍事揚州刺史浮於一岸下江海達于淮泗藤蕩既敷瑤堤即序十三年授車騎大將軍儀同三司尋遷驃騎大將軍開

永樂大典卷三千五百七

大

府仍賜姓普也即為官族入陪武帳出總戎韜置府於陽關張旆於瀚海故得上書於漢即用同宗爭長於周還無異姓十六年授鄜州諸軍事鄜州刺史俄遷河州刺史公頻煩兩牧風政神明虎去西河梟移東郡河湟瑞氣特表廉平廊祀神光偏明正直及乎魏終天祿周受惟新明命已遷彝倫或革周元年改授大將軍袍罕郡開國公增邑一千戶軍中受詔非論北伐之功大將登壇無侍東歸之策置陣太平開陰晉之道連兵廣武納崇陽之城校戰丹山移營白壁莫不勇冠三軍名凌五將保定四年授寧州總管掌其北門既為鄭國所委揮其西鄙無懼秦亭之逼是以蔡平綱之城衛人拱手成榮波之澤梁氏寒心朝廷與公有內外之親令公從戚里之貴乃以魏文帝女為公夫人遂得長門之左別開公主之園濯龍之傍使有玉姬之館五年被徵入京拜少傅少司馬期於司武以公為魏絳佐於中軍以公為筭首豈直謁之鷄火稱之縉雲而已哉其年被使領兵出西涼州奉迎突厥皇后紀制延行製縵未卿為君逆稱族而行尊君命也天和元年授柱國拜大司寇楚之柱國方之南火軒之司寇譬以西雲總授於公能官人也建德二年授少傅四年授河州總管都督七州諸軍事即為河州大中正公之桑梓本于此地再為連率類仍衣錦襄

永樂大典

卷三五八七

城龍種更反池臺桂陽仙人還歸鄉里故老親賓酣歌相慶安車駟馬天下榮之宣政元年授上柱國更加少傅配于上相既陪去邑之圖居于帝師實有把橋之策改封宿國公食邑并前五千五百戶射鴻舊園舞鶴餘城既浮酸棗之河聊對淇園之竹未朝建章則天子降席出遊咸里則郡公下階是以行滿天地名聞四海方當光輔五君參謀七政天厲弗戒堯于所居春秋六十有九柳莊告墳傾社稷之臣鄭僑云亡得諸侯之禮詔贈某官謚某公禮也以今開皇元年七月某日反葬于河州金城郡之苑川鄉山行隴底地入塞原望積石以綠河臨崆峒而下坂玄甲黃腸崎嶇亭斬及云莫徹方勞榆沈若大樹反壤地封夏屋馬終須頴川之碑乃見華除之碣世子儀同水達孝性有聞居喪得禮嗟海變而田成懼山飛而地絕勒石墓田乃銘云爾少典之孫玄王之子星貫於月金承於水降及于周公侯復始風俗氣候山川表裏河連積石山帶崆峒秦亭北上漢使西通金行氣壯地勢人雄稜稜高節慄慄殊風祖考藩屏濁河清渭兩地謨明雙派光貴水無別色雲無異氣為吏為民惟懷惟畏公之嗣世實秉英靈降神中嶽迴文列星鸞翔鳳顧珠角山庭臣深義本于極天經洛城戰陣河橋旗鼓箭飲石梁劍燃銅柱並麗大屨俱抽雙虎玉門開郡陽關

永樂大典卷三五八七

九

五府再為上台兩為少傅模範帝師經綸國步允襲峻德欽明審諭不吝車茵推言溢樹天道茫昧年齡倏忽上將星闕功臣鼎沒九原陵阜三河甲平地險龜林營危馬窟西州水別北關長辭山張虛蓋野祭空帷陵原地迤松路風悲銘于碣石勒以貞龜

與屯

金史國語解與屯漢姓曰曹忠義傳與屯醜和尚為代州經略使貞祐四年八月大元兵攻代州和尚禦戰敗績身被數創被執欲降之不屈遂死

與屯襄

金史與屯襄本名添壽上京路人大定十年襲猛安丞相襄舉通練遼事授崇義軍節度副使改烏古里札詳穩召為都水少

監石州刺史未幾為平南蓋江將軍以功陞壽州防禦使遷河南路副統軍兼同知歸德府事昌武軍節度使仍兼副統軍崇慶改元為元帥左都監救西京至墨谷口一軍盡殲襄僅以身免坐是除名明年授上京兵馬使宣宗即位擢遼東路宣撫使未幾改速頻路節度使兼同知上京留守事二年二月為元帥右都監行元帥府事于北京五月改留守兼前職俄遣宣撫使兼留守十一月詔諭襄及遼東路宣撫使蒲鮮萬奴宣差蒲察五斤曰上京遼東國家重地以卿等累劾忠勤故委腹心意其協力盡公以徇國家之急及詳未奏乃大不然朕將何賴自今每事同心併力備禦

機會一夫悔之何及且師克在和善鈞從政尚懲前過以圖後功三年正月
襄為北京宣差提控完顏習烈所害未幾習復為其下所殺詔曲赦北京

奧屯忠孝

金史奧屯忠孝字全道本名牙哥懿州胡土虎猛安
人幼孤事母孝中大定二十二年進士科調蒲州司

候察廉選一官除校書郎兼太子司經三選禮部員外郎遷翰林待制權
戶部侍郎佐參知政事齊持國治决河以勞進一階除河平軍節度使兼
都水監遂疏七祖佛河及王村周平道口鷄爪孫家港復開東明南陽岡
馬蹄孫村諸河忠孝常曰河之為患不免勞民復疊石為岸十餘里民不
勝其病矣改沁南軍坐前在衛州勾集妨農軍借民錢不令償由是貧富
不相假貸軍民不相安降寧海州刺史改滑州歷同知南京留守建定國
軍節度使復為沁南軍人為太子少傅兼禮部尚書貞祐初議降衛紹王
忠孝與蒲察思忠附胡沙虎議語在思忠傳項之拜參知政事中都國志
糧運道絕詔忠孝搜括民間積粟存兩月食用悉令輸官粟以銀鈔或僧
道戒牒是時知大興府事齊鼎計畫軍食奏許人納粟買官鼎已籍者忠
孝再括之令百姓兩輸欲為己功左諫議大夫張行信上疏論之曰民食
止存兩月而人奪之使當絕之不得購咎有司而亦怨朝廷之不察也豈

水樂齋卷三十一

辛

宗善行信言命近臣與忠孝同審取馬謂忠孝曰國家本欲得糧今既得
矣姑從民便可也項之行信復奏曰參政奧屯忠孝平生矯偽不近人情急
於功名詭異要譽慘刻害物忍而不恤勾當河防河朔居民不勝其病軍
負民錢抑不令償東海欲用胡沙虎舉朝皆曰不可忠孝獨力薦及胡沙
虎作難忠孝自謂有功詔議東海爵號忠孝請籍沒其子孫及論特末也
則云不當籍沒其偏黨不公如此無事之時尤不容一相非才况今多故
乃使此人與政如社稷何宣宗曰朕初即位當以禮進退大臣卿語其親
知諷之求去可也行信以語右司郎中把胡魯把胡魯以宣宗意白忠孝
忠孝覘然不聽項之罷為太子太保出知濟
南府事改知中山府尋薨年七十謚惠敏

奧屯忽都祿

金耶律復集撰贈嘉議大夫濟南路總管上輕
車都尉追封傅平郡侯奧屯公神道碑并序惟

奧屯氏在女直為貴族世居遼東天朝混一立賢無方數歷華貫者接武
中外廣西道廉訪使忽都祿既位通顯制贈其祖鳳住亞中大夫東昌路
總管輕車都尉傅平郡侯父高山嘉議大夫濟南路總管上輕車都尉傅
平郡侯祖妣石抹氏妣二王氏皆傅平郡夫人乃出其家乘請銘諸碑按

濟南公高祖思砂虎金兵馬統制都元帥以功封洋王戰沒曾祖思魯內
外點檢權樞密院事祖哨合鎮國上將軍京西等處兵馬都元帥考即東
昌公襲其世官謀克從宣宗遷汴壽八十一卒二子公以長襲謀克義宗
播蔡危行蔡平僑東平主帥錄其世時其衣廩東昌給地五十畝宅而居
之承利除高唐知州東平控郡邑五十四金穀戶口禁不可理檄公稽糾
宿弊一洗為州有惠政歲丙辰年官年五十有三獎聊城之栢林娶王氏
先卒繼王氏子六人曰納丹朮山東道統軍司知事曰瑞童曰慶童曰安
童曰文敬武略將軍同知漢陽府事致仕曰忽都祿起家衡山縣達魯花
赤轉臨桂興安尹治龍拜西臺御史移南臺歷僉副凡六道廣西言岑雄
無叛遠制為寢兵而碑竟招出湖北辨死獄杜起宗二人寃江西拆分寧
若磴之害舟楫者十所浙西賑糧虛十萬石民吏雖壞產莫償為畫釋之
彰澤罷行履蹟屢宥惟佩虎符廣西宣慰司同知副都元帥改本道廉訪
使一年素歸中道有旨若曰奧屯為得用人縱年高眾不為例其勿致仕
賜金段二陞正議大夫而明哲知止去志浩然矣子脫履承事郎同知
常德路龍陽州事孫曹男女若干人嗚呼盛哉昔金源氏奮起東北奄有
中夏亡且百年世無其史故家遺俗存復無幾釋書間見非危夫真則聞

永樂大典卷三千五百七

三

不彰好古之士慨馬公之先由統制而下世繼樞要其豐功偉績計必炫
耀一代史之所錄不得而知之公再啟厥家至庶使又能推恩九原表揭
世次其所以揚天休播光美者不在茲乎銘曰宋綱解紐金職夏盟苗淳
水沛孰邁厥成曰惟景從扞禦鋪繁云乎百年家闕莫稱懷襄香溺有子
維積自天運績頗木斯萌錫田啓家分牧著能嗟彼文獻吾猶及微混混
其源其其承於繁綉衣晚節益貞顯隆收專及先乃榮大哉亭毒逝者
猶生百世川主繁祉是
膺勉旃繼序監此刻銘

奧屯世英

元李庭寓庵集大元故宣差萬戶奧屯公神道碑銘
龍興雲從虎嘯風冽君臣際會千載一時淮陰屈於

楚而伸於漢李初晦於隋而顯於唐蓋聲應氣求天同神比不期而自合
不介而自親故能樹偉績於當年垂榮名於後代今吾鄉宣差萬戶奧屯
公其庶幾乎公諱世英字伯豪小字大奇其先居上京胡里改路金人破
遼東最後得關中相地列營分軍鎮守公之祖得蒲城子孫因而家焉公
之祖曰黑風佐太祖武元征伐有功封王曾祖元出蓋都府兵馬都總管
祖蒲乃襲爵為千夫長父閻僧昭勇大將軍新平縣令公自幼能自樹立

與群兒聚必以官長自居眾環侍如吏卒指呼使令惟命是聽其英雄氣
榮已見於髻亂年中矣甫冠以廢補官存歷差遠丁亥歲任郟水酒稅監
就克征行都統領軍至慶陽與天朝大軍相值公度其眾寡不敢徒死無
益遂率眾歸降以材武為皇伯撫軍所知薦之於列祖成吉思皇帝上亦
喜眷愛甚厚屢降恩旨仍賜虎符俾隸朵火魯虎傲立必麾下郊用廣實
歲王師復下陝右公與扎古帶偕至富平主帥命諸將分主其地公以桑
梓之故願得蒲城帥從之至縣下令諭眾曰爾輩穴地以為園不足恃也
王師此來為久駐之計爾輩詎能延歲月即吾眷鍾已具非不能極地及
泉隨而相見願以鄉里之舊弗思為也爾能從吾令當還爾父母妻子復
爾居業不然則蓋粉矣眾相謂曰公信義素著今為一方司命其言必不
食言往從之於是相率出降公溫言慰遣之眾意遂安時諸將之在它邑
者惟事屠戮編民連頭就死間有漏網者皆畏瘡扶病無復生意視蒲民
按堵如故莫不指以為樂上至今人物繁庶屋宇具存垂白偃僕扶杖往
來者踵相接於道非公義日保完之力能至是乎蒲城既下公與大軍復
合同攻郟城既平鳳翔擊五峯山自隴州入一二里破鳳州取武休關至
興元攻西和又攻鞏州再入宋境從皇考四大王大軍由興元歷金洋州

水樂大典卷三千五百七

五

所至城寨無不降附復徇唐鄭拔鈞許鑿三峯山下遂破金軍及奉上命
鎮守河中招收天和人和二堡爾後偕塔海都元帥累歲征南十餘歲間
其勤勞亦已至矣皇伯合罕皇帝在鳳翔也許公以河中府尹之職命未
及下會以它事不果其後公入覲上喜曰曩之所許今當相付命有司草
制公奏曰臣名在四大王府有年今改屬別帥何面目見唐妃子母乎上
始怒徐復喜曰爾言是也唐妃聞其言喜甚四大王嘗謂妻子曰大奇吾
所愛爾輩勿以降虜視之及是待遇益厚與家人輩無異以至唐妃親視
公肥瘠裁衣制帽以彰殊寵辛丑歲夏河中船橋官謝以事誣公訟於有
司奪公虎符唐妃聞之大怒言於上復以虎符拜公仍命皇兄蒙哥大王
親草懿旨謂大哥以有功之故朵火魯虎奉成吉思皇帝聖旨錫此虎符
不可奪也仍授以萬戶之職今上皇帝在潛邸于負入見蒙降恩旨亦歷
叙迺父之功歲某月某日以疾卒於河中公解之正履春秋六十有二以
辛亥年十月葬公於蒲城賢相鄉萬勝原先塋之側夫人竹魯頹氏先公
卒張氏出家為文冠後公卒完顏氏亦先公卒再娶完顏氏今無恙二完
皆金名族俱有賢行二子長曰貞次曰亮壬子三月完顏氏孛負人見蒙
哥皇帝帝知其為大哥子甚憫惜之復錫虎符仍降恩旨時貞年甫十三

永樂大典

卷三五八七

今上皇帝即位負復入見其所寵錫與先朝無異也公狀貌魁梧宇量宏廓外若矜嚴中實樂易輕財重義折節下士人無賢否交必以誠家無一錢之積秋毫不以取於民其為人槩可知已惟至孝王帥之國慶陽也金國遣盧骨錕領軍赴援公統眾在前列家屬居後遂為金軍所得公自度忠孝不兩立狼狽北歸其在北方也思親之心愈久愈切每夜焚香祝天願得生遇父母以報罔極之恩死不恨矣言訖仰天號呼哀動隣里眾共止公則歎歎就寢淚濕褥席凡數載聞車以為常上憫之天語尉諭期以必得及王師下河南公以父母之故願備行伍於是上下今軍中日得大哥家屬者主致之無使驚怖壬辰二月攻許州城既陷有唱者曰與此公家屬在此公馳往視之闔門百指團樂如故公抱持涕泣悲喜交集人以為孝感所致於是昇歸河中益恭于職至於溫清之禮甘旨之奉必極其至時人榮之始公之來河中也挈河南俘民老幼九千口以乏食之故與總管扎古帶同請於朝有旨令平陽撥米九十石給付之時粒米如珠餼下馬拜跪握手催笑同行至衙命酒適酌三行適已不以勢位驕人故能大得眾心未老便欲退閑作知止歸來二堂此志竟不遂惜哉傳曰陰德

永樂大典卷三五八七

七

必有陽報公所全活不可勝數其陰德可謂厚矣然才大而不見於用祿薄而不稱其德嗣續雖立而不及見其成人天年雖終弗克登於上壽所不足於公者此也使世之人不免有善之疑天其或者將大昇後之人乎癸亥春僕方僑居長安嗣子貞奉前行中書省左右司員外郎郭君周卿所撰行狀來謁文以表其墓願惟才學淺陋何足以當此然以往年亦嘗定知於公義不待辨且吾友周卿名德素為鄉里所推朕在公幕下凡十餘年知公行事為取詳其片言隻字足以取信於天下後世僕何容喙焉故一依未狀次序而贊以銘曰金行既微天道在北真主勃興群雄効力公乘其時利見西陲授以虎節洞然不疑天兵四馳如火烈烈千里儘尸百城漂血最爾吾邦假息頃史天誘其衷難俾吾紆公既戾止不驚不懼響動關河有來胥悅姜枯以膏梁驚以馴凜凜沒寒化為陽春完我室廬活我老稚人被其恩家受其賜叢生敵國塵隔南陔望雲淚濺陟岵心推至誠感神有願必遂離而復合恍如夢寐版輿載御言還故鄉朝夕為羞滌髓馨香薄伐南方轉戰萬里十有餘年勤亦至矣惟帝念功伊尹于蒲拜榮就義始終靡渝謙以得眾廉於奉已孝盡庭闈仁死桑梓宜公宜侯壽考百年一債不起埋恨重泉余慶所鍾承家有子大福再成公為不死

有佳者城闕彼高原
豐珉紀德百代常存

奧屯貞

元元明善清河集大元故昭武大將軍嘉定路總管奧屯
 公神道碑銘有身華門圭竇而有珉貂桓珪袞衣而有行
 乞固子孫之令不令斯亦在祖考之德不德是稽諸之深也其流長用之
 廉也其享遠繫人事天道果然否乎嘗試觀奧屯氏矣遠祖黑風金爵之
 至王而曾大父諱滿乃襲官謀克大父諱潤僧昭毅大將軍考諱世民為
 軍民萬戶使宜行事佩金虎符初公階鎮國上將軍官宣慰使公之嫡後
 至父官餘子孫日有仕者嗚呼不德不令者能是耶按公諱貞字正卿女
 直人今華州蒲城縣占籍年十有三使宜公薨入見憲宗詔若曰故使宜
 行事世英蚤附太祖統兵南成我師夫利叛者如蟻而世英棄其父母若
 孛末身來歸先帝嘉之以有昔授命其子貞嗣萬戶佩之金虎符矣母
 少貞若屬敢不奉約束者罪死沒入其室公仍鎮河中自後從攻重慶嘉
 定愛合瀘叙一軍多冠軍世祖登極公朝明年申詔之賜黃白金而錦衣
 選鎮至元十三年定選格黜陟天下官三月制以公為南陽府尹階明威
 將軍六月遣茶陵路達魯花赤進將軍為昭勇十二月遣廣南西道宣慰

永樂大典卷千五百七

高

使俱不任徙遂州路總管即就道初四川被兵最酷存者震惕奔伏亡聊
 賴公體朝廷涵毓元元之仁若撫騎子乳嬰孺時厥寒飢節其衣食遠長
 厚吏家問苦樂而垂除興之三年民匪有餘帛庾有餘粟而學校興焉總
 管重廢重慶宋故重鎮治之也若遂而功速人樂之不忍其去轉順慶又
 轉嘉定遣昭武大將軍兩路民懷思至今嘉定人曰公莫不顧脫我而天
 恩遠奪吾良侯耶在嘉定未一歲忽晨語夫人曰諸子不在幸以語之曰
 吾賢不遠先人國恩顧厚圖報未幾而允爾曹能既吾所報骨雖朽吾樂
 猶生沐浴衣冠就枕而逝享年六十有七公秀慧夙成童而任重悍將點
 吏俯首效趨走不敢見傲色雅從郭先生學至老不廢書帙既臨民惟恐
 傷民不故聲若君然而流泆恩澤法法深實久而不忘蓋厚和君子哉夫
 人劉氏故王傅諱斌之女先公卒二十四年德而能家夫子賴之有子三
 人長曰金剛奴絲內供奉出為金齒大理道宣慰副使僉都元帥府事同
 知羅羅斯宣慰司事兼管軍副萬戶西南夷憑恃險遠擇得不可令能申
 威信一無違敗身徠叛黨執寧人建屋以養謀窮作廟學以宣風教休有
 聲稱今以功遷某道宣慰使某大夫次曰銀剛奴忠翊校尉綿州判官女
 二人長歸故中書右丞楊某之子秘書少監野孫帶繼夫人故氏故副都

元帥諱仁之女嗣有賢行閨門之內肅然以難息在諸子人不知非已出
實生一女男孫四人曰灝曰瀚曰澍曰濟女孫一人公薨於天德十年十
月十有一日宣慰君奉其母夫人之命卜吉延祐元年某月某日舉公之
墳美于蒲城之賢相鄉萬勝原先塋比莫朝京師介翰林司直田君澍持
其鄉先主劉君文郁所為狀走太史而請曰石謹其未得信後之文不敢
輕為先公刻大史實多名賢公卿願有以對不肖孤之所以未明善讀其
狀歎為羨焉而不與之銘孰盡如與也氏焉者銘曰烈烈前王勳在金陵
肇造爾家流輝中夏猗使宜君審勢歸真將而力仁恩浹蒲人嗟公孤童
克建父麾歸節分符四尹威然允武允文而率而師釋爾孝思致身忠移
有開惟祖繼大惟考靈承若公斯盡于道公亦有子高闕是故翹材宣聞
茂實遠響絲絲履緒如植日長公其
永存孰謂長往勒詩堅石過者高仰
洪武正韻徒孫切詩白茅統末毛音徒本切鄭音也又支幹韻及見上丁
濁音史記蘇秦傳錦繡十統注凡絲錦布帛 篆 統 六書
一統為一也韻會定正字切定昆定亭田純 書 統

純

永樂大典卷千五百全

五

忱

洪武正韻徒孫切悶也亂也憂也又見上韻野王玉篇徒昆切張參五經
文字之博反見禮記燕侗六書故後徒渾切心意專積也楚辭曰紛忱忱
之願忠又曰中悶替之忱忱又曰忱鬱邑余佞際芳楊桓六書統定母忱
从心也聲忱 隸 篆 統 六書
篆 統 六書
隸 統 六書

軌

洪武正韻徒孫切兵車也許慎說文軌从車也聲徒魂切劉熙釋名軌車
戎者所乘也韻野王玉篇徒昆切張參五經文字從也也音豚徐錯通釋
徒論友楊桓六書統定母軌从車也聲軌隸 篆 統 六書
使軌車逆之服虔曰屯守車也趙謙聲音文字通俗但用也漢律勒兵而
守曰屯又閨門也作閨非韻 篆 統 六書
會定正字切定昆定亭田軌 書 統 六書
隸 統 六書
篆 統 六書

書 軌 統 六書

書 軌 統 六書

書 軌 統 六書

書 軌 統 六書

書 軌 統 六書

書 軌 統 六書

廐

洪武正韻徒孫切居也又熾盛貌爾雅風與大為廐宋重脩廣韻徒渾切
又徒損切司馬光類篇又徒困切舍也又杜本切樓牆也一曰室中藏

楊桓六書統定母庀純卷庀林熊志韻會舉篆
 要微次音韻會定正字切定昆定亭田庀書
 庀 六書 統 庀 六書 統 庀 草書 庀 鮮于樞草書
 集韻見杜从古 集篆古文韻海

永樂大典卷之三十五百八十七

永樂大典卷之三十五百八十七

矣

永樂大典

卷三五八七

重林 遜 秋 官 時 軒 日 高 供

學 士 日 賢 采 澤

分 拔 官 終 撰 日 徐 時 行

書 寫 德 士 日 王 元 呂

圖 點 監 生 日 林 汝 松

日 董 仲 赫

